

Aunke cu reunion ta poni pa cuminsa otro siman segun Presidente di Parlamento

Gobierno a pidi Parlamento pa wanta tratamiento di Urirama

ORANJESTAD – Den un reunion di Comision Central sea awe of mañan, Parlamento lo trata e peticion di Gobierno di Aruba pa wanta e reunion publico riba proyecto Urirama te proximo aviso.

Tabata dialuna ultimo cu e presidente Paul Croes a ricibi un peticion di Minister di Energia Mike de Meza pa wanta e reunion aki pa asina Gobierno por a analisa e rapport cu a keda entrega, ya cu e la trece cierto asuntonan cu merece mas investigacion.

Den e carta na Croes, de Meza

ta bisa di a tuma nota di e intencion di Parlamento pa trata e reunion riba Urirama proximamente, y como tal ta aserk'e cu e siguiente peticion. Gobierno di Aruba ta apunto di cuminsa un analisis di e rapport recien treci, pa e motibo ey ta pidi encarecidamente pa wanta e reunion aki te proximo aviso.

E mandatario –den e mesun carta– ta bisa cu e ta segura Parlamento cu Gobierno lo no tuma ningun decision final riba e proyecto, tanten cu Parlamento no vocifera nan mes



Minister Mike de Meza

riba e proyecto aki.

E peticion aki a drenta pues dialuna, pa cual Croes a dicidi pa tuma e decision mas prudente. E reunion tabata planea pa tuma luga entre dianan 5 y 12 di december proximo, pero awor por tin cambio.

Mirando cu ta trata di algo grandi, a dicidi pues pa trata esaki den un reunion di Comision Central. E ta motiva e decision aki indicando cu e reunion publico riba Urirama a wordo pidi tanto pa AVP como MEP, cu ta representa Parlamento completo. “Mi lo

no kier tuma un decision di aplasa e fecha di e reunion publico aki sin haya un decision di sala y Parlamento riba dje” Croes a bisa. Como cu e peticion ta grandi pa e reunion aki, ta merece un evaluacion grandi tambe. E reunion aki pues ta tuma luga sea awe of mañan.

Como tal Croes ta segura cu no ta e la cancela e reunion of postpone manera cu lider di MEP, ta insinua. Algo cu segun Croes ta lamenta sigur, despues di a tuma nota di e reaccion den BON DIA ARUBA. □



Sr. Henk Hutting

ORANJESTAD – Si Parlamento dicidi cu ta pospone e tratamiento di e reunion pa e parke di molina di biento na Urirama cu un luna, e lo no ta un problema pa e desar-

Henk Hutting ta avisa na MEP cu unabes contract ta firma, no por bir'e bek mas, pero

Mas tardansa pa proyecto Urirama no mester ta un problema

oyadornan. “Pa nos e no ta nifica mucho cos. Un luna di retraso” e director di e compania encarga cu e parke, Henk Hutting a bisa BON DIA ARUBA ayera. “Pa Aruba e ta nifica mas si. E ta nifica cu cada luna cu e proyecto no ta ‘bezig’, tin menos reduccion di gasto di energia cu e Parke lo por a produci” Hutting ta sigui bisa. “Pica di e placa”. E retraso den tratamiento di

e reunion kier men tardansa pa dicidi futuro di e proyecto, y ehecucion y operacion di esaki. Pero esey tampoco no ta un problema pa Hutting. “Hasta cu e retraso aki, e proyecto ta keda factibel pa nos. E daño den tardansa ta pa Aruba mes. Y ban spera cu e prijs di petroleo no sigui subi” Hutting ta continua bisando. Loke ta interesante ta cu lider di partido MEP, Evelyn

Wever a confirma cu nan lo para e proyecto di Urirama si nan mester drenta Gobierno. “Unabes cu e contractonan ta firma, MEP no por bira esaki bek mas. Mi ta spera por lo menos cu Aruba keda un estado di derecho den Reino Hulandes” e director ta sigui bisa. Loke cu si a sorprende Hutting ta cu MEP a duna indicacion via di su lider, cu nan lo kier ‘investiga’ e parke

di molina na Vader Piet. Hutting ta pensa asina pasobra ta bou di Gobierno di MEP e proyecto a wordo ehecuta. “Y cambionan eynan, legalmente tampoco ta posibel, los di e pregunta cu si tin deseo pa haci esey. Na fin di cuenta, e parke di molina ta produci un bentaha economico grandi. Pues mi ta duda cu MEP lo kier bai bek riba su politica” Hutting a finalisa bisando. □